



朝野類要



作  
人  
↑





朝野類要



班朝

典禮

故事

卷第二

稱謂

舉業

醫卜

卷第三

入仕

差除

陞轉

爵祿

職任

卷第四

法令

雜制

卷第五

降免

餘紀

文書

帥募

退閑

政事

憂難

朝野類要卷第一

班朝

御殿

文昌趙昇集錄



本朝殿名最多如常朝則文德殿五日一次起

居則垂拱殿遇忌前假及祠祭日分則御後殿

正旦冬至及聖節稱賀大禮奏請致齋則皆大

慶殿賀<sup>拜</sup>瑞聖壽賜宴則紫宸殿宴對蕃使則

長春殿試進士則崇政殿若賜宴則集英殿郊

卷一

一

祀稱賀則端誠殿諸般若直推梁子則射殿之類又有內殿如萬歲復古邇英藥珠蕊華福寧睿思殿今上皇帝建北宮後宮之殿又不一也

二儀

趨朝之儀如出入不由端禮門不端簡朝堂行私禮交互幕次語笑誼譁殿門內聚談行立次序立班交語相揖無故離位拜舞不如儀穿班伏出之類皆謂失儀即閣門彈奏有責

常朝

今之所謂常朝蓋正殿也又名垂拱殿大凡殿名遇禮例合御某殿則臨期設牌常朝則自九月中旬至來年五月中旬

後殿

常朝值兩則改御後殿

六參

又名望參謂一五日之常禮也在京大小職事及不釐務官趨赴望參不得連三次請假

輪對

自侍從以下五日輪一員上殿謂之輪當面對  
則必入時政或利便劄子若台諫則謂之本職  
公事若三衙大帥謂之執杖子奏事

內引

內殿引見則可以少延時刻亦或賜坐亦或免  
穿執也

待漏

宮內之前待漏院所以俟候宮開門及閣子呼  
報排班則穿執而入也又名待班閣子

正謝

凡穿執侍從命下之日即時赴新局當時便回  
却上辭免表奏之後朝命不允而已受方始正  
行朝謝

謂舞蹈有拜大起居

果見

有罪之人朝見如與免挽見則仍舊穿執謂之

東唯加武士簇擁

把見

軍頭引見司等子駟擁罪之人朝見也向來  
紹興末年四川宣撫司管押到招捉北界偽知  
虢州完顏守能知商州折可直常如此蓋唐以  
來朝見之儀有五此其一也引今大禮赦及盛暑  
踈決即亦用軍  
頭司  
擁見

### 典禮

郊祀大禮

京城之外大祭祀皆謂之郊祀如三歲南圓丘  
時北郊祀后土皇地祇明堂中謂之明堂大禮

### 五使

凡大典禮皆有之如郊祀明堂則有大禮使禮  
儀使儀仗使鹵簿使橋道頓遞使之類山陵亦  
有摠護皆大臣師座為之

### 鼓吹

禮寺之太常樂也

### 警場

大禮寺辦嚴也皆用上軍及街仗司為之

### 宿衛使

駕出合經宿皆有宿衛使向來駕詣慈福宮寺  
亦有之昔日親征則有御營宿衛使  
習儀

凡有大典禮習儀如郊祀大禮習五輅肆赦聖  
節習上壽儀及臨安府教樂之類

### 冊寶

奉上尊號冊寶亦有奉上冊寶使用太常儀仗  
鼓吹也凡玉冊則金寶所謂冊者條玉為之紅  
線相聯可以卷舒字皆金填之或謂玉以碯石

代之所謂寶者印章也並文思院供造

### 親饗

車駕朝饗太廟也其典禮  
郊祀

### 朝獻

四孟之月駕詣景靈宮也自神朝建如此在恤  
制內則權止

### 分獻

凡三歲大禮有大臣亞獻之外衆天神則在壇  
下分獻其餘神則差官往各處行禮



奏告

凡有典禮祈禱皆差官奏告天地宗廟社稷五岳四海等處

致齋

行祀事之官預前於本局致齋謂不治事以謹潔其身也

受誓戒

三歲大禮干預行事官皆質明赴尚書省受誓戒然後致齋

恭謝

大典禮之後車駕詣景靈太乙兩宮行恭謝之禮

分詣

四孟朝獻如值兩及有事故或第二日值兩皆命宰執分詣諸殿行事

幸學

車駕幸太學則有恩例蓋古之養老尊賢之故事

釋奠

二月上丁日也凡學官并太常禮官即官皆赴  
太學大成殿同諸生行礼亦分為初中終三奠  
用太學樂八月同

降香

凡祈禱晴雨皆降御香乃內侍省掌其事差快  
行費送重則差內侍供奉官

避殿損膳

昔時水旱祈禱未應并大變星象邊鄙未寧則

聖上有避正殿減常膳之謙禮

輟朝

凡大臣薨皆有禮例特輟視朝三日或五日

故事

八寶

自秦得和氏之璧以為傳國玉璽其文曰受天  
命明既壽永昌後子嬰捧以降高祖於軹道者  
是也在漢則符璽令掌之增為六璽至晉惠帝  
北征亡失六璽石季龍得之遂改其名曰天命

石氏迨唐亦有符寶卽而五代唐末帝遭亂携以自焚故周郭重造八寶而以天下傳本朝謂受命之寶鎮國神寶天太子之寶皇帝之寶天子行寶皇帝御寶天子信寶皇帝信寶且各有所用如受命之寶惟封禪用之其他各朝增置殿寶不在此數

### 大朝會

本朝禮制有元日大朝會如古之諸侯述職也凡監司帥守悉赴正旦大宴鄉貢進士亦預焉

諸道之進奏官乃唐之藩鎮質之留司京都承發文字如今之機宜故謂之候卽

### 鎖院

凡言鎖院者機密之謂也故試士撰麻皆如此試則所差官預先入院議題有司排辦撰麻則全番或半番快行節次往學士宅第傳宣俟傳宣快行來足學士上馬朝服修帽隨簇入院造頭尾則亦然若別有直宿學士或直院則出避之當夜依宣撰述如不可行者繳奏之謂之封還詞

頭若可行則撰畢進呈閱報閣門宣詞令舍人  
令同閣門宿宣且當晚御史臺閣門報明日宣  
麻則文武百寮赴文德殿聽之如不可行則又  
有執政不押麻之例即臺諫得以執奏除拜大  
臣則上旬后妃中旬餘官下旬俗謂下旬剥麻  
非也或偶置之耳

### 迎駕

車駕幸出經由在京去處凡百司局務官吏僧  
道在  
步之內並迎駕往回起居若免拜則祇

奏聖躬萬福山呼若免起居則不排設祿亭香  
案也

### 駕頭

孔毅父談苑云駕頭者祖宗即位所坐也皇朝  
類苑曰謂之正衙法座香木為之加金飾四足  
隨其角其前小偃織藤冒為之駕頭則宣贊喝  
引迎駕居尸居也又沈存中筆談謂是中貴官  
捧月樣杙子於馬上今係閣門宣贊舍人

### 躬請

車駕每春天或節序躬請北宮遊幸回則從駕  
官多是戎裝而用御馬院動樂今主上實慶問  
躬請恭聖仁烈太后宮中宴賞是也戎裝謂免  
穿執祗服  
衫帶若武臣則服色袍御馬院掌聖上所乘之  
馬也所謂驕騎院教駿營所掌者乃常朝并從  
駕者馬心也如  
唐之立伏馬

### 教坊

自漢有胡樂琵琶箏篋後之中國雜用戎夷之  
聲六朝則又甚焉唐時并屬太常寺之明皇遂  
別置為教坊其女樂則為梨園弟子也自有教

坊記所載本朝增為東西兩教坊又別有化成  
殿釣容班中興以來亦有之紹興末臺臣王十  
用上章省罷之後有名伶達使皆留充德壽宮  
使臣自餘多隸臨安府衙前樂今雖有教坊之  
名隸屬修內司教學所然遇天宴等每差衙  
前樂權之充不足則又和雇市人近年衙前樂  
已無教坊舊人多是市井岐路之輩欲責其知  
音曉樂恐難必也

### 等子

軍頭引見司芋子舊有諸州解發強勇之人經由  
由遞傳之京師今則只取殿前舊司捧日芋指  
揮人兵棟為之故今至芋子年勞授州諸挑軍  
受事人員之職出職之日舊皆諸都進奏院行  
謝蓋奏院轄遞鋪故也芋子之上謂之忠佐軍  
頭皆由百司人兵親兵及隨龍人年勞陞為之  
或募士代之

### 金鷄

大禮畢車駕登樓有司於麗正門下肆赦即立

金鷄竿盤令兵士搶之在京係左右軍百戲人  
今乃瓦市百戲人為之蓋天文有天鷄星明則  
主人間有赦恩

### 聞喜宴

在京則賜進士及第宴於瓊林苑中興以後就  
於貢院

### 曲宴

有旨內苑留臣下賜宴謂之曲宴與大宴不同  
之義也

聖節

國朝故事帝后生辰皆有聖節名後免之只名  
生辰惟帝節名蓋自唐明皇千秋節始也

進香

北宮聖節及生辰必前十日車駕詣殿進香

滿散

滿散者終徹也每遇聖節生辰宰朝赴明慶寺  
預先開啓祝壽道場至期滿散畢賜宴

曝書

每歲七月七日秘書省作曝書會係臨安府排  
辦一應館閣并帝帖職官皆赴宴惟大禮年分  
及有事則免

聖祖

真宗皇帝尊九天司命天尊為聖祖天尊大帝  
蓋倣唐尊老君故事也其詳載于國史又秘書  
有聖祖天尊大帝降臨記

諸節

自唐以二月一日為中和節國朝因之以正月

三日為天慶節景德五年正月四日為開基節

周顯德七年正月四日太祖皇帝登位四月一日為棋節大中祥符元年

四月一日天降書六月六日為脫節大中祥符二年

七月一日為先天節後唐天祐元年七月十一日

月二十四日為降聖節大中祥符五年十月是

日禁屠宰行刑著為令申

天慶觀

諸州皆署建之所以奉聖祖天尊大帝

報恩光孝寺觀

高宗皇帝中興以來令諸州軍各置報恩光孝

寺觀一所追崇佑陵香火

土貢

諸州歲貢土產之物也即夏禹任土作貢之義

宣賜

謂經由閣門有司出給關照之物為明宣賜不

經由有司特旨賜之則曰暗宣賜

擊門

宰相動止謂陰有爆禦神衛之所以秦中歲時



記言宰相儀有牛頭形者即是也今之宰執出入其金吾先以物敲擊門臺謂報警爆禦神也  
免坐錢

國朝向有除授遥職郡某州刺史則亦有制命下本州照應其州遇細銜公文則亦列其銜於後若本官他日經由本州則其知州合避廳遜坐本義刺史即是正官也舊有除節度使者經由本鎮不欲入坐而本鎮迎送之外又有禮物名免坐錢今廢之

收諸侯權

唐以來藩鎮有質子留京都而藝祖去襲封制知通資任以限之其餘制兵權之數則中興制度也

羈縻

荆廣川峽溪洞諸蛮及部落藩夷受本朝官而時有進貢者本朝悉制為羈縻州盖如漢唐置都護之類也如今之安南國王每遇大札則加封功臣字號而每歲差官押曆日賜之是也

接送伴

藩使入朝差官待之來程有接伴使副回程則為伴送

館伴

蕃使入國門則差館伴使副同在驛趨朝見辭遊宴

伴射

殿前馬步三司輪差借觀察承宣之官環衛四廂之職以伴蕃使射於玉津御園勝則有金帶

陞轉官資之賞

私覲

俗謂之打博蓋三節又谷後以物貨互相易也會食

上庠有會食之禮諸百司亦有之凡同官輪日為之唯陪蔬果盤釘之費

上馬

百司出局人從先報上馬者蓋舊禮只是乘騎自中興以來始乘肩輿也今從駕亦乘騎耳

題名

進士及第各集鄉人于佛寺作題名鄉會此起  
於唐之慈恩寺塔也若官司州縣廳事各立題  
名碑者蓋備遺也

春宴

中興以來承平日久慶元間京尹趙師舉奏請  
送故事排辦春宴即唐曲江之遺意也即于行  
都西湖用船妓第自寒食前排宴日會先宴使  
相兩府親王次即南班郡王嗣秀嗣濮王楊開

府兩李太尉次請六朝尚書侍郎摠兵官次宴  
節度承宣觀察使南班及都承知閣御帶環衛  
官次都司密屬官次卿監宴六曹郎中郎官並  
是京尹館伴京尹李澄遵故事奏請如前供辦  
開禧以後兵興及追擾百色行館害及於民此  
宴不復舉矣

朝野類要卷第二

文昌趙昇集錄

稱謂

行在

天子駐蹕所在也古不聞之自秦漢方有此稱  
本朝百司初稱隨駕某司自真廟後皆稱行在  
唯三省學士院臺諫內侍省之類不云行在蓋  
天子之司及常侍之謂也

雜壓

以官職混序進迂之列以定品秩高下序其列位

五府

兩叅政三樞密

兩府

樞密并真太尉

八位

此皆舊制左右僕射尚書左右丞中書侍郎門下侍郎之類

三省

中書省門下省尚書省也中書擬定門下進畫尚書奉行紹興十五年中書門下併而為一俱謂之制勅院

兩省

給舍并左右史也東省繳章西省掌詞頭記註

兩制

翰林院學士謂之內制掌王言大制誥詔令赦文之類中書舍人謂之外制亦掌王言凡誥詞

之類

史官

起居郎起居舍人謂之左右史掌記注日生機  
政又實錄院日曆所會要皆編修國史朝文所  
侍從

翰林學士給事中六尚書八侍郎是也又中書  
舍人左右史以次謂之小侍從又在外帶諸學  
士待制者

六院

登聞檢院登聞鼓院官告院都進奏院諸軍司  
糧料院兩審計司皆儲材擢用之地凡作縣有  
聲等官多除此

四轄

提轄左藏庫文思院權貨物雜買場謂之四轄  
亦為儲材之地

貼職

宰執資格者帶觀文資政端明學士侍從資格  
者帶諸閣學士及以次侍從帶待制監卿資格

者帶修撰直閣及京官直秘閣武臣帶閣門宣  
贊舍人之類

機政

宰執職事之謂

朝典

國之大法

親民

理治百姓鎮撫知寨亦然

長貳

正官與副官之總名

幕職

僉判司理司法戶錄叅部推察推節判察判之  
類幕者本以主師出塞從權安營立帳而得此  
名如衛青幕府是也

上官馬

教授至廳前上下馬故也

寄居官

又名私居官不以客居及本貫土著皆謂之私

居寄居其義盖有官者本朝廷仕宦也

判府

宰相三公三少真王出鎮方謂之判其餘皆過

呼

縣令

未改京朝官宰縣也

知丞

已改京朝官也未改則帶權字只謂之縣丞

軍使

在縣之上軍監之下

舉主

依條制科格以荐名於朝廷者內有職司常負

之分

元老

國之耆舊名臣也

宿儒

父有名望之士也

賢格



清要儲材陞擢之所也

言路

臺諫給舍也

縉紳

仕宦之稱本指其笏帶之類也

儲材

拔擢于此職以待進用也

清要

職慢位顯謂之清職緊位顯謂之要兼此二者

謂之清要

冷官

凡緩慢優閑之職是也因杜子美詩云廣文先生官獨冷後人遂傳以號教官

麤官

武臣及軍官自謙或以為訛

開口官

舊制及第人帶左字餘皆帶右字以左字像開口也今並不帶左右字

院體

唐以來翰林院諸色皆有後遂效之即學宮樣之謂也如京師有書藝局醫官局天文局御書院之類是也即今畫家稱十三科亦是京師翰林子局如德壽宮置省智堂故有李造訓之後

世賞

書曰賞延于世即今之奏蔭之類

選調

承直即以下迪功即以上文資也又謂之選海

以其難出常調也

未出官

謂之學助教將仕通仕登仕下班之法之類

十三階

石武以上至刺史為止

舉業

治經

春秋兼三傳易書詩二禮各以一經仍各兼語孟謂之經若詩傳人曰亦曾兼一經今免

武舉

分二等蓋絕倫者挽二石以上力斗平等者挽九斗以上可也至日步射兩箭馬箭正背共五箭為頭場

三場

第一場本經義三道小經義各一道計五道若詩賦人八韻賦一道省題詩一首第二場論一道第三場策三道仍各有格式條限若武舉則以弓為第一場其七書義五道其策三道

州縣學

即古者國有庠鄉有校之義本朝宰相王安石增制應補之法考試陞賞與貢舉不相干慶元以來又增闢齋名以廣武舉之士蓋從臣寮請也

簾試

補試中者再于長官簾前試一次治經人作語孟義詞賦人作省題詩優者行食其有任子銓試過赴吏部簾試經義破題或有詩亦謂之簾

試

供課

州縣學生分旬習試三場各給冊子供呈上庠

亦然

堂試

州縣考試分將來由除此陞補

陞補

州縣學春秋兩放補試白身人本經中者注籍

混補

天下士人不限有無學籍皆得赴試本經一場

中者入上庠

大補

選試曰舉待補及州縣學等級談恩士人陞上

庠也

待補

三場內只第一場合格式及補試內只大經合

格蓋恐黜下之可惜故以此勉其學者唯武舉

只弓馬合式者待補謂之一事中

私試

每月試一場凡滿計三場謂五月本經仲月論  
季月策並鎖試於前廟以學官主文考校唯公  
試之月免

公試

每歲春二三月之交公試兩日三場謂第二日  
論策各一道並差外官于貢院主文以學官干  
預考校

內舍

入上庠宗學者皆外舍生若校定滿年行食分  
數之人如公試中等即依陞內舍與公試榜同  
出自後方得為長諭若內舍私試連三次不中  
者降為外舍

量試

州縣學畧而小試其才也

請舉

赴解試之謂也古者舉賢之制

保頭

舉人三舉終場者得為解試保頭

解試

依額取人存名于朝廷謂之鄉貢若從來乞學籍者經營請舉則必費力如曾赴混補則猶庶几于科舉也此係本州及第出身官主文考校其武舉只就殿步帥前試弓馬中者然後赴鎖院考試七書并策蓋武舉者保官經奏名引試也

漕試

轉運司承集本路見任官牒送到隨待子弟及服內親如州府解試法但漕運員額頗寬容也係選差本路官主文考校

附試

因事在他鄉而未能歸本貫者皆就轉運司附試只是取人太少却易為文才  
充解

在學及試或遇特恩

比試

武舉士人先試經義一次然後赴解試

省試

除四川外諸州及漕司解士就禮部貢院試鎖  
名曰省試

免省

上舍試取中在省試前即免省赴殿

還省

前舉已中解試因丁憂事故之人於本舉還試  
類試

四川州軍解士只就安撫制置司類省試必徑

赴殿試

殿試

本朝例就崇政殿瑣試考策畢日唱名

還殿

前與已中省試人因事故未赴殿者今舉還試  
免殿試

往年遇主上即位以後第一次謂之龍飛榜又  
嘗因諒陰皆曾免試祇詣唱名

唱名

謂之傳臚聖上御殿宣唱第一人第二人三人為一班其餘逐甲為一班

恩科

年高而到省多次特奏名其魁亦賜同出身而甲次則得文學之名俟赦文內于銓試或于銓注即授杖尉之類亦有雖年及而未願就恩科亦後便乃赴旧省

三元

解試省試並為魁者謂之雙元若又為殿魁者謂之三元然多是免殿故也蓋殿試以策取人難得必魁治經義人也

黃甲

正奏名五甲也吏部謂之黃甲闕榜第五甲舊多貴顯故呼為相甲

探花

選年最少者二人于賜聞喜宴日先到瓊林苑折花迎狀元吟詩此唐制久廢今人或謂第三



名為探花者非也

擔榜

戲謂第五甲末名為擔榜狀元

宏辭

自唐以來有之本朝之制尤嚴紹興間令背記九經注疏而學者遂少後臣寮請免之止今記其義鎖院之日三詩六論如五題合格即中選

銓試

奏蔭出身人各占經趣赴春鎖試中選即叅部

若是登仕郎以下即換選人文資也黃甲年分則第五甲人就赴試之

拍試

武臣奏補人銓試弓馬者謂之拍試并批試律

文

刑法試

奏補人願試刑法者兼治兩小經如中選即入大理評事或提刑司檢法官次第可至刑部尚書

教官試

及第出身次甲人合試教官者依次試本經詩賦中選即注諸州教授

召試

及第出身甲人已歷仕者召試館職中選即為秘書省官若武舉人召試閣職則為舍人所試字尤精細于常制次

試換

武臣願換文資者如銓試之制若奏蔭人并武

舉及第官願再試出身者從便解試赴省唯年勞補授及雜出身人不許換也

醫學

醫學

如太武學設齋仍如舉人入試程文於制局下又教授

判局

判太史局即挈壺靈臺郎五官正及大夫遞迂充判局判太醫局自齋舍職事遞迂判局

國醫

此各醫中選差充診御脈內宿祇應此是翰林  
全紫醫

試補

星學則于本局試算造大曆測驗乾象醫學則  
赴札部貢院三場選試于難經素問脈經本草  
仲景傷寒論聖惠方病源此經內出題第一場  
則墨義三道脈義二道第二場大義三道假令  
論方義一道第三場假令法二道運氣一道比

之士人止不赴殿試其舉業亦為科場

局生醫生

如前試補中則曰局生學生入學次第試補迂  
改職事如庠序例

出官

醫學出官則補醫職注授京寺監修合官辨驗  
官及諸州軍駐泊醫官

朝野類要卷第三

入仕

及第

文武舉子特奏皆為及第出身

奏補

文武臣入仕及格即依本身官照格法遇大禮  
奏蔭弟姪子孫若侍從以上許降資授異姓如  
官雖及而考不及則身後恩澤

文昌趙昇集錄

捧香

后妃親屬諛恩得官者謂之捧香例

西官

親王南班之婿號曰西官即所謂郡馬也俗謂

裙帶頭官

軍班

內外諸軍兵并班直軍頭司等入年勞或有功

得官皆是

年勞

內外百司吏職及諸州監司吏人皆有年勞補

官法俗謂出職是也免銓試徑注差遣

雜出身

非及第奏補年勞之類者謂之雜出身

保引

內外百司差遣皆以恩例保引親屬係籍待試

或超補非比州縣泛常差補也

進納

有因納粟賑難及助邊者有只納粟則得不理

選限文資者俗謂之買官此不可以就試出身也

### 封贈

生日封死曰贈自有格法典例外有年及百歲即應加封一資而致仕也

### 歸附等

歸正謂元係本朝州軍人因陷蕃後來歸本朝歸順謂元係西南蕃蠻溪洞口酋等納土歸順依舊在溪洞主晉職事歸明謂元係西南蕃蠻

峒人納土出來本朝補官或給田養濟歸朝謂元係燕山府路州軍人歸本朝者忠義人謂元係諸軍人見在本朝界內或在蕃地心懷忠義一時立功者

### 脚色

初入仕必具鄉貫戶頭三代名銜家口年齒出身履歷若注授轉官則又加舉主有無過犯崇宣間即云不係元祐黨籍紹興間即云不係蔡京童貫朱勔王黼等親屬呂保官結罪慶元間

又加即不是偽學近漸次除去

中旨

自禁中降下御筆或直旨付有司施行

參堂

京朝官不于部授即于廟堂陶鑄差遣謂之參

堂又曰干堂亦曰堂闕或差遣人者

呼名

欲見宰執者具名投刺門狀計會本府書司直

省官之下呼名候呼召即隨引參見

堂除

都堂奏差者武臣即經密院專差員闕則曰樞

密院劄子或樞密院奏云

參選

吏部四選尚書左選掌承務郎以上右選掌武

翼郎以上侍郎左選掌迪功郎以上右選掌承

信郎校尉以上兵部掌下班祇應進義勇副尉

等刑部掌進武副尉所謂參部注授也

擬差

四選兵部奏議差遣

殘闕

年老免銓試人或雜出身等人即注殘零闕員  
差遣

辟差

帥撫監司郡守或奉使選堪倚用之人具名詣

闕奏差

定差

四川州縣口旣各路轉運司為銓選參注差遣

每孟月出榜仲月參注季月申發請朝廷給降  
付身文字內亦有通判員闕者若因事到闕亦  
許歸吏部或參堂陶鑄者其二廣亦間有之

左攝

帥撫監司州郡選有官或待闕人攝職謂之權  
局本官自謂之被檄是也若白身人借攝文學  
助教將仕郎副尉承信之類謂之白帖有法有禁

旌擢

謂賞有功績者特差職也



起復

已解官持服而朝廷特再推用者名起復繫此二字或已年及致仕或在降責中朝廷再推用之謂也

改官

承直卽以下選人在任須俟得本路卽撫監司郡守舉主保奏堪與改官狀五紙卽趨赴春班改官謝恩則換承務卽以下序謂之京官方有顯達具各主各有格法限員故求改官奏狀最

為艱得如得則為門生

減年

磨勘轉官有四考或五考者諛恩減其年數則給公據異日捧數收使

寄理

當轉而官序之名犯家諱者權止且帶寄理二字他年併轉

雙轉

有軍功人自武翼卽以上每轉一官卽雙轉兩

官及第出身人不轉奉直中散亦乃隻轉也  
特轉

謂非循常法陞轉而有指揮賞轉者  
超轉

有功或及第人特越次第經轉之例

止法

謂如文臣轉中大夫直候職及侍從格方許轉  
大中大夫若執政轉至金紫光祿大夫直候拜  
相方許轉行特進又如武臣轉行武功大夫若

有軍功方許轉行右武餘人以三官比轉一官  
又如捧香只轉此訓武郎年勞只轉至承直郎  
之類  
回授

合轉官而碍正法者許回授與弟姪子孫入仕  
或轉

比換

內外百司吏職未敢年勞而願比換者依格改  
換官資注擬差遣

兩易

俗謂對移也或避嫌或以得罪被劾而罰輕者皆兩易其任或事妨亦然

賜出身

元非科舉入仕而特蒙大用或賜同進士出身方可執政蓋國法也

食邑

官序及格合封諸縣開國男以上者隨有食邑戶數蓋比古之大小諸侯得國也若有及格則

有食實封凡百戶舊制每實封一戶隨月俸給二十五文其加封則自有格法

職田

外任大小官屬合得職田者月俸之外本州給還米斛凡到任一年分並四月以前理上該給

茶湯錢

為魚而給也

賜借緋紫

本朝之制文臣自入仕着綠滿二十年換賜緋

及魚袋至滿二十年換賜紫金魚袋又有雖未及年而推恩特賜者又有未及而所任職不宜緋綠而借紫借緋者即無魚袋也若三公三少則玉帶金魚矣惟東宮魚以玉為之

伎術官服也

醫官并太史官謂之文官頭武官尾蓋初入仕著綠及格則換紫并紅鞵帶又及和安春官大夫則或特轉之類而醫官又有特賜金帶者

兩鎮

謂封兩處節度使

兩國

謂封兩國王及夫人

襲封

謂世代授此官也如兩嗣王主奉濮秀祭祀如孔子之後世封衍聖公如周世宗之後柴氏世封崇義公蓋二王後之故事也

異恩

如詔書及贊拜皆不名如肩輿入廟並賜元老

大臣

職任

百司

上自三省下及倉場庫務皆為百司或謂之有司又謂之京局

內諸司

自內侍省以下在京禁中置局並應屬內司子局者皆是也

左右廂

廂官之名取廊間分職佐治之義今之城南北廂比通州判資序蓋比擬開封府左右四廂舊制也蓋在城兵馬都監則又廊廡管押之義也故無刑禁

外臺

安撫轉運提刑提舉寔分御史之權亦依漢綉衣之義而代天子巡狩也故曰外臺

駐劄

松江都統諸路總管路鈐等及京畿東南將之

類皆曰某州駐劄者蓋本朝兵制所以示此乃天下之軍也

### 牌印

印司掌銅木朱記以牌詣本官請閱印用畢封匣復納之凡牌入則印出印入則牌出蓋立法嚴防之意也

### 公叅

小官赴任其長貳公叅訖衙前聽候三日方敢退歸本職今制遂禁廷拜

### 成資

滿任也

### 舉留

見任官有政績而吏民願得再任者須本處進士同署老以下列狀經歷司舉留次詣上司申乞

### 不釐務

添差之官則不理政事也若許干預則曰仍釐務

朝野類要卷第三

朝野類要卷第四

文昌趙昇集錄

法令

一司

在京內外百司及在外諸司帥撫監司財賦兵馬去處皆有一司條法如安撫司法許便宜施行之類是也

海行

勅令格式謂之海行也蓋天下海行之義

續降

法所不載各異同而謂利便者自修法之後每有續降指揮則刑部編錄成冊春秋二仲頒降內外遵守一面行用若果可行則將來修法日增文改創也

進擬

刑部定法斷獄奏呈也

番復

大理寺定刑下所屬州郡斷獄也

勅杖

謂降旨而杖之也

置直

內外百司吏屬有公罪之輕者皆罰直入官每一日即二百文足如贖銅之例

文書

詔書

翰林學士院四六句文行而為典故大事者也  
手詔



或非常典或是篤意及不用四六句者也  
制書

但是聖旨文字皆為制書

御札

又嚴于詔書

德音

泛降而寬恤也

曲赦

特降此赦頗輕乃專為一事一處有兵災罪青

之類

赦書

常制赦刑之命

翻黃

監司州郡備錄赦文而行下所部也自慶元末

諸縣亦降黃赦蓋從臣寮請也

批答

執政以上有章奏請則降批答以下則降詔

宣帖

唯軍校授宣理為恩例陞補

白麻

文武百官聽宣讀者乃黃麻帑所書制可也若  
自內降而不宜者白麻帑也故曰白麻唐元和初九赦  
宰書德音立后建儲大誅討拜免三公相命將曰制書並用白麻不用印

詔報

學士院闕朝報省之稱

書黃

凡事合經給事中書讀并中書舍人書行者書

畢即備錄錄黃過尚書省給劄施行如不可行

即不書而執奏謂之繳駁故俗談曰不到中書

不是官

省劄

自尚書省施行事以由拳山所造紙書押給降  
下百司監司州軍去處

部符

六部行符即省劄之義其末必曰符到奉行

勅牌

凡知縣以下并進士及第出身并被旨揮差充  
試官或奉使接送館伴及僧道被旨住持并廟  
額并給勅牒

官牒子

上司尋常追呼下司吏屬只以片紙書所呼叫  
因依差走吏勾集

奏劄

又謂之殿劄蓋上殿奏對所入文字也凡知州  
上見辭皆用此

旦表

在外帥守監司每月一日上起居表所以代朝  
參也各預先發上都進奏院臨期經閣門投進  
謝表

帥守監司初到任并陞除或有宣試皆上四六  
句謝表

賀表

帥守監司遇有典禮及祥瑞皆上四六句賀表  
唯冬至歲節不用四六句是有定式

起居表

鄉來在恤制內遇冬至故改之名為起居其他合用賀表如亦之

慰表

鄉來恤制皆上表稱慰

百官表

百官詣殿拜表皆宰相為班首繫銜總之云文武百寮須云丞相臣某等係禮部郎官行詞奏牋

若上后妃東宮則名之曰牋

功德疏

聖節則帥守監司各上賀表并道釋功德疏及進銀奏皆四六句經通進司投進

萬言書

上進天子之書也若上公侯則名之曰長書

進狀

經檢院者圖實封機密軍期事朝政闕失利害及公私利濟并軍國重事若經院者疊角實封

陳乞奏荐再任已得指揮恩澤除落過名論訴  
抑屈事本處不公及沉匿等事在京官員不法  
等事西院狀封皆長八寸

堂劄

上宰執之公劄也

白劄子

上利便之書也與不題名之義同

邊報

沿邊州郡列日具幹事人探報平安事宜實封

申尚書省樞密院

奏案

州郡或提刑司勘成大辟及合奏獄案也得回  
降則斷之

帥劄

平時西州安撫制置司亦出給劄子蓋其重權  
兼主銓量差注類試事也其他安撫制置司便  
宜者亦出給劄子

朝報

日生事宜也每日門下後省編定請給事判報  
方行下都進奏院報行天下其有所謂內探省  
探衙探之類皆衷私小報率有洩漏之禁故隱  
而號之曰新聞

政事

巡按

監司按四季巡視所部州縣者古因漢高帝遊  
雲夢之後漸廢巡狩述職之制故遣奉使以代  
之

銓量

審驗人材也如四川新任守倅去朝廷遠者免  
朝辭只赴按撫制置司銓量乞之任

便民五事

監司郡守到任半年各具便民五事奏上

臧否

監司歲具所部官美惡奉上謂之臧否奏若某  
員功過俱無者不具

雜制

禁謁

百司門首謁禁者不許接客也若大理寺官則又加禁謁及亦不許出謁也

式假

除父母喪解官及承祖父母重服之外餘親之喪只給式假

白堂

公事取覆御史也

過堂

尚書省密院屬官扣入局日分持所議事上都堂稟白宰執而施行之

家諱

授職任而犯三代名諱者許避之如開禧初張嗣右除起居郎以犯諱辭免曾改名修注官其餘若一名偏犯即不避亦具辭免之

奉朝請

在京宮觀仍奉朝請者依舊趣赴六參也

堂謝

授官職朝謝畢謝宰執

待罪

具奏自劾也又執奏陳自謙之意臣待罪政府  
或即府獲逆寇恐難于上請先誅而後申奏待  
罪乃待其朝廷責其專擅之罪諸州軍被火亦

然

違年

過期不赴任也理為犯批上印紙

帥募

安撫

安撫之權可以便宜行事如俗

行後奏

之類是也通轄一路之兵民若宰執出鎮或曰

安撫大使若沿邊又有管內安撫謂只轄本州

也

報捷

奏勝之書也詩云一月三捷

露布

誅討奏勝之書也



蠟丸

以帛寫機密事外用蠟固陷于股肱皮膚之間所以防在路之浮沉漏泄也

挑戰

兩陣既立各以將出鬪也

鏖戰

乘勇而進也故漢注以為盡死殺人曰鏖

巷戰

城市之內接戰也如李存孝誤入長安之類也

野戰

閱習  
驍銳也

劫寨

夜間攻其營壘令其自亂然後勁兵潰之

貫寨

日間攻亂其營壘也

宣府都督

侍從以上稱宣府即平時安撫之義也執政以上則稱都督

節制

本朝兵制最為周密如節制之稱所以使寄戍之軍服其權也若平時鎮江府武鋒軍駐楚州守臣有統轄屯戍之兼職

招討招撫

討者伐不道之臣撫者安故國之民

便宜

主將之沒權行事也謂之便宜黜陟

密詔

自唐已有此蓋事干大計不欲明示則密遣圖

之

矯詔

一時從權以濟其謀也

檄書

彰彼之罪惡所以出師之由以感動人心期與天下

朝野類要卷第五

文昌趙鼎集錄

降免

遭章

臺諫入奏疏言其罪以請貶其人也

彈奏

言其公罪及閤門御史臺糾其失儀等事

合臺

自長官以下各入奏以言人罪也

按勅

謂按其事而申上或祇免其職

責授

責者不限降几官之數徑指抵階責授之

聽勅

在朝大臣或被臺章或先乞出則一面般出國門于寺觀中安泊以待命

南行

仕宦得罪而南行者蓋二廣多是瘴烟遠惡及

水土惡逆之州縣江西亦或有之所以貶于其處也

剝麻

本朝无誅大臣之典故大臣有罪亦多是先與宮觀然後臺諫上章得旨批依別日又宣麻降之漸次行貶

居住

被責者凡云送甚州居住則輕于安置也

安置

安置之責若又重則羈管編管

勒停

編管以上則必除名勒停謂無官也故曰追毀  
出身以文來字

量移

該恩原赦則量移近裏州軍

逐便

既量移又該恩則放令逐便

叙復

被責之久該恩叙復舊官者自有格法

退閑

宮祠

舊制有三京分司之官乃退閑之祿也神廟置  
宮觀之職以代之取漢之祠官祝釐之義雖曰  
提舉主管某宮觀實不往供職也故奏請者多  
以家貧指衆為辭降旨必曰依所乞差某處宮  
觀任便居住唯在京宮觀不許外居

自陳

因奏請得祠祿者將來尚可以復任職居若朝命與之則不任也故優恩又有理作自陳之名也

岳廟

選人使臣則監岳廟及宮觀之次等也

引年致仕

古之大夫七十而致仕之例也古則皆選還其官爵于君今則不然故謂之守本官致仕唯不任職也若雖未及七十但昏老不勝其任亦奏請

之故曰引年

憂難

致仕

官員不祿先乞守本官致仕續奏身故者緣致仕合有蔭補恩澤也

遺表

大中大夫以上不祿者既奏致仕復上遺表則又有遺表恩例

草土臣

丁憂者既發喪居憂如具銜只稱草土臣

駕幸臨奠

本朝禮例每大臣薨皆駕幸其府第臨奠之恩多是其子孫上表辭免之

勅葬

差中貴官監護喪事

宣葬

賜資才令辦葬事喪家願宣葬蓋省費如勅葬也

丁憂

父母憂解官持服承重者亦同軍官免之若餘親則有給事假法

謚法

自古有之所以定生前之德行每一字其義取用之端甚多本朝立法有雖無官而有德行者亦賜之皆有擬文一道太常博士撰吏部考功奏行之

送吉

大祥畢禫服終踰月送吉謂改吉服也然後朝  
見或叅見

餘紀

書鋪

凡舉子未試并仕宦到部叅堂應該節次文書  
並有書鋪承幹如舉子乏錢者自請舉至及第  
一并酬勞書鋪者

承受

仕宦在外任者自有專一承受幹當之人或是

百司係籍人或是門吏凡有大小事務為之了

辦

陶鑄

宰相推用仕宦謂之陶鑄者取造化之義向因  
留相家諱鑄遂易為陶鑄正如避寇相名祇書  
此准字也

宅引

宰執入堂前有朱衣乘騎對引若無常朝之日  
則自府第入堂治事謂之宅引入堂



告祠

有四六句者有直文者並書于告軸然侍從以上須是四六句行詞凡在內但是班朝百司雖迪功郎亦有之若外任須是京官通判以上則命詞之若節度使以上則又先次宣降麻制矣

綱袋

侍從以上資格者官誥皆有紫絲銀鐸鈴銅袋貯之

望祀

如五岳四瀆之類則每歲皆降御名祝版祀之若其餘去處皆望祀

車馬

宮人出入其兵士呵喝車馬者蓋舊來只是乘坐車子也中興以來用肩輿以喝車馬

揀班

班直等皆是三衙舊司指揮人兵及皇城司親事官揀中等之人充之如捧日揀過東三班天武揀過御龍直驍騎揀過騎御之馬類然本朝

之制班直不置隊伍若教習武藝臨期整辦旗號此最良法也

### 京畿將

京師舊有十將令第二將駐劄臨安府緣西日差出招捉寇賊因而屯此也

### 破白合尖

選人得初舉狀謂之破白末後一紙湊足謂之合尖如造塔上頂之意

### 勘過

在京關支請給等項經朴斛審院計司勘過及關會太府等方可支給其外路大軍錢糧自有分差糧審院施行

### 打視

庫務差使人及投軍人須遠視目力喝其指數謂之打視防其目疾耳

### 輪筆

官員分以文學書押或以日或以長二分而判押之謂

集注

左右選注闕集長貳廷坐而下列願注授之人  
高唱其闕而問之以授窠闕

期集

應舉士人欲共陳其利便則指定一所在會集  
諸人定議以申明之行都差注諸大寺院頭首  
亦集諸頭首相聚定議此又行檢保申明差亦  
謂之期集

同年鄉會

諸處士大夫鄉曲并同路者共在朝及在三學  
相聚作會曰鄉會若同榜及第聚會則曰同年  
會

會  
集  
卷  
五  
分

五



